



Број: **01/3-50-1-3-46/10**

Сарајево, 8. јуна 2010. године

Z A P I S N I K

46. сједнице Комисије за ванјску трговину и царине Представничког дома Парламентарне скупштине БиХ, одржане 8. јуна 2010. године

Сједница је почела у 12 сати.

Сједницом је предсједavao предсједavajuћи Комисије Славо Јовић.

Сједници су присуствовали чланови Комисије: Шемсудин Мехмедовић, Мехмед Сулјкановић, Салко Соколовић, Екрем Ајановић и Лјилјана Милашин.

Оправдано су одсуствовали: Жељко Кузмановић, Јерко Ивankовић Лијановић и Нермина Зајмовић-Узуновић.

Сједници су присуствовали: Дарко Чобанов, замјеник директора Уреда за ветеринарство БиХ, Миломир Драганић, предсједavajuћи УО Извозно-кредитне агенције БиХ, Ламија Козарић-Рахман, генерални директор Извозно-кредитне агенције БиХ, Нада Рајковић, помоћник федералног министра пољопривреде, водoprивреде и шумарства ФБиХ, Јосип Красни, савјетник федералног министра пољопривреде, водoprивреде и шумарства ФБиХ, Ненад Пандуревић, секретар Комисије за ванјску и трговинску политику, царине, саобраћај и комуникације Дома народа, Медина Делалић, виши стручни сарадник у Парламентарној скупштини Босне и Херцеговине - Сектор за односе с јавношћу, Радомир Марјановић, стручни савјетник у Комисији за ванјску трговину и царине, и Емира Чешљар, секретар Комисије за ванјску трговину и царине.

За сједницу Комисије предложен је и уз допуну тачке 3. Текућа питања једногласно усвојен слједећи

D N E V N I R E D

1. Усвајање Зписника 44. сједнице Комисије;
2. **Realizacija Zaključka 78. сједнице Представничког дома – поновно разматрање Извјештаја о раду Управног одбора Извозно-кредитне агенције Босне и Херцеговине (IGA) за 2009. годину;**
3. Текућа питања:
 - a) упознавање о информацији Уреда за ветеринарство БиХ поводом Закључка 45. сједнице Комисије,
 - b) упознавање о Иницијативи Славо Јовића (realizacija Zaključka Kolegija Представничког дома са 132. сједнице, одржане 3. јуна 2010.

Ad.1. Usvajanje Zapisnika 45. sjednice Komisije

Zapisnik 45. sjednice Komisije usvojen je jednoglasno, bez primjedbi.

Ad.2. Realizacija Zaključka 78. sjednice Predstavničkog doma – ponovno razmatranje Izvještaja o radu Upravnog odbora Izvozno-kreditne agencije Bosne i Hercegovine (IGA) za 2009. godinu

U uvodnim napomenama predsjedavajući Komisije Slavko Jovičić rekao je da je Upravni odbor Izvozno-kreditne agencije, na osnovu člana 14. stav (3) Zakona o osnivanju Izvozno-kreditne agencije Bosne i Hercegovine, dostavio 1.4.2010. godine Parlamentarnoj skupštini BiH na razmatranje Izvještaj o radu Upravnog odbora Izvozno-kreditne agencije BiH za 2009. godinu.

Podsjetio je da je Komisija na 45. sjednici, održanoj 11. maja 2010. godine, razmatrala Izvještaj o radu Upravnog odbora Izvozno-kreditne agencije Bosne i Hercegovine za 2009. godinu, te većinom glasova prihvatila Izvještaj i predložila Predstavničkom domu njegovo usvajanje.

Predstavnički dom je na 77. sjednici, održanoj 12. maja 2010., odgodio raspravu o ovom izvještaju, a na 78. sjednici, održanoj 25. maja 2010. godine, odlučio da odgodi raspravu i obavezao Komisiju da ponovo razmotri Izvještaj i Predstavničkom domu dostavi novo mišljenje.

U ponovnom razmatranju i raspravi o Izvještaju s preciziranim aktivnostima UO Agencije učestvovali su: Milomir Draganić, Lamija Kozarić-Rahman, Šemsudin Mehmedović, Mehmed Suljkanović, Ekrem Ajanović i Slavko Jovičić.

Milomir Draganić istaknuo je da se ovaj izvještaj odnosi na 2009. godinu, a s obzirom da je Agencija poslovala s gubitkom u 2009. godini, u njemu nisu sadržane aktivnosti Upravnog odbora na prevazilaženju ovog stanja. Također je naglasio da je ostvareni gubitak rezultat garancije realizirane na teret IGA-e, a date firmi „Panefin“ iz Srpsca, što je otežalo poslovanje, odnosno privremeno, do naplate i povrata sredstava po garanciji, smanjilo vrijednost raspoloživog kapitala. Iako su sredstva data po svim propisanim pravilima i normama, ovaj rizik uz tadašnje poslovanje firme bio je nepredvidiv i rezultat je gubitka kupaca i globalne krize. Poslovna politika nalaže da se sredstva po mogućnosti vrate iz redovnog poslovanja, a ako to ne bude moguće, realizacijom hipoteke na imovinu ove firme.

Mehmed Suljkanović istaknuo je značaj ove agencije i obavezu Komisije i Parlamenta da podrže njen rad, pogotovo kada se zna da je njen izričit zadatak podrška izvozu. Poželio je uspješniji rad Agenciji od dosadašnjeg i predložio da budući izvještaji budu opširniji i detaljniji kako bi ih odmah shvatili i usvojili.

Nakon rasprave Komisija je saglasna u ocjeni da su:

- aktivnosti Upravnog odbora tokom 2009. uglavnom bile u vezi s podrškom, praćenjem i nadzorom tekućeg poslovanja Agencije kroz usvajanje izvještaja i informacija o upravljanju i poslovanju Agencije,
- provedene sve najvažnije aktivnosti, donesene odluke i pokrenute inicijative za nesmetano upravljanje i poslovanje Agencije u skladu sa zakonom i principima zdravog i sigurnog poslovanja.

Konstatirano je da su poteškoće u poslovanju Agencije u toku 2009. godine uzrokovane efektima globalne ekonomske i finansijske krize na poslovanje izvoznih preduzeća, koja su isključivi klijenti Agencije. Izvozna preduzeća bila su suočena s gubitkom tržišta u Evropi i regionu padom cijena svojih proizvoda te nemogućnošću adekvatnog finansiranja kod komercijalnih banaka. Mandat Agencije je u preuzimanju rizika koji nisu prihvatljivi komercijalnom sektoru, a s ciljem podrške izvoznom sektoru. I

u takvim uslovima raste potražnja izvoznika za uslugama Agencije, posebno u dijelu osiguranja, garancija i faktoringa, na koju Agencija nije u mogućnosti odgovoriti zbog ograničenih sredstava.

Komisija je jednoglasno prihvatila Izvještaj o radu Upravnog odbora Izvozno-kreditne agencije Bosne i Hercegovine za 2009. godinu i ponovo će predložiti Predstavničkom domu da usvoji Izvještaj o radu Upravnog odbora Izvozno-kreditne agencije Bosne i Hercegovine za 2009. godinu.

Ad.3. Tekuća pitanja:

a) upoznavanje s informacijom Ureda za veterinarstvo BiH povodom Zaključka 45. sjednice Komisije

Predsjedavajući Komisije podsjetio je prisutne na Zaključak 45. sjednice Komisije po kojem Ured za veterinarstvo BiH treba da sačini i dostavi Komisiji informaciju o predstavi Veterinarske komore Federacije Bosne i Hercegovine s dokazima i činjenicama u vezi s navodima iz predstavke kako bi je Komisija mogla razmatrati kao tačku dnevnog reda.

U raspravi su učestvovali: Darko Čobanov, Nada Rajković, Šemsudin Mehmedović, Mehmed Suljkanović i Emira Češljarić.

Emira Češljarić istaknula je da se iz tehnički opravdanih razloga nije moglo organizirati razmatranje predstavke Veterinarske komore Federacije BiH kao tačke dnevnog reda prema zaključku usvojenom na 45. Sjednici Komisije. Informacija Ureda za veterinarstvo BiH protokolirana je sa 7.6.2010. (podijeljena članovima Komisije prije početka 46. sjednice). Zbog toga se realizacija Zaključka 45. sjednice odgađa za 47. sjednicu Komisije.

b) upoznavanje s Inicijativom Slavka Jovičića (realizacija Zaključka Kolegija Predstavničkog doma sa 132. sjednice, održane 3. juna 2010. godine

Kolegij Predstavničkog doma Parlamentarne skupštine Bosne i Hercegovine na 132. sjednici, održanoj 3.6.2010. godine, razmatrao je Inicijativu poslanika u Predstavničkom domu Parlamentarne skupštine Bosne i Hercegovine Slavka Jovičića, podnesenu na 77. sjednici Predstavničkog doma, održanoj 25.5.2010. godine, o Informaciji UIOBiH u vezi sa sudbinom više od 2000 automobila koji su u redovnoj sudskoj proceduri oduzeti bivšim vlasnicima i postali vlasništvo države, te odredio Komisiju za vanjsku trgovinu i carine kao nadležnu da razmotri predloženu inicijativu i Predstavničkom domu dostavi mišljenje.

U raspravi su učestvovali Slavko Jovičić, Radomir Marjanović i Šemsudin Mehmedović.

Nakon rasprave Komisija je **jednoglasno** usvojila Z a k l j u č a k :

Zadužuje se Uprava za indirektno oporezivanje BiH da u saradnji s nadležnim ministarstvom sačini informaciju o porijeklu, vrstama, starosti, lokacijama i ostalim relevantnim podacima o ovim automobilima, te eventualnoj opravdanosti prijedloga iz obrazloženja Inicijative. Inicijativu, također, dostaviti UOUIOBiH i MSTEObiH, uz molbu da informaciju o utvrđenom i preduzetim mjerama dostave Komisiji.

Sjednica je završena u 13.30 sati.

Sekretar Komisije
Emira Češljarić

Predsjedavajući Komisije
Slavko Jovičić